

德
新
報

MG
I 226

130

2:1

德
新
報

一




3 1795 6634 8

德新報

五月份豫波著發行處青石橋金元廟房

宋咸淳丙寅三月、范太尉以目疾、遣子致禱潮音洞下、汲泉歸洗、目病立愈、復命子來謝、大士現金身、猶隔碧紗、繼往善財洞、童子忽現、去注亦現、縵帶、珠璣交錯、精神顧盼、如將示語、見普陀山志



敬詠觀音詩

菩薩千眼視人間、一雙病眼愈何難、祇要精誠虔禮佛、佛雲化作水晶簾、雲水光中能洗眼、靜中常抱智珠圓、

敬詠呂仙詩

常從孽海念人羣、天地氤氲酒半醺、一水浮沉今古夢、笛聲吹破洞庭雲、

說夢

清風明月能知我、甘露涼雲自滿身、夢境空明天影靜、安能長作夢中人、

得失分明認指歸、乾坤莽莽幾斜暉、可憐一夢成今古、多少殘花夢裏飛、

慈光

此心常存佛心覺隨處皆慈光也作惡光詩

莫向人間動殺機、慈光照我愛朝暉、春風高舉雲中鳥、箭號穿雲便覺非、
記曾種草傍斜曛、一片生機護蟻羣、日射晴光春氣滿、愛他新綠化慈雲、
半畝荒園日月長、乾坤無處不慈光、藹然人物春風暖、飛上衣邊蛺蝶黃、
靜裏無人獨閉門、慈光一縷繞詩魂、毫端寫出生機暢、短紙斜行聚蟻痕、
林間春暖曉雲開、不解人間有劫灰、一片慈光天愛我、竹搖初日上窗來、

自得歌

歎人生苦而復樂、樂而復苦、輾轉間白了鬚眉、其如此迅速光陰、易殘鐘鼓、
說甚麼分晉吞吳、說甚麼強秦霸楚、花開花落到如今、英雄多少歸黃土、一
身之外復何求、一念之差成終古、欲行難進又牽拘、有夢常驚多險阻、走得

快是濟顛大師、睡得穩是陳搏老祖、黑甜鄉天地寬閒、掃愁箒龍蛇飛舞、解脫常思佛子家、逍遙還想神仙府、看他人滿者已全空、笑我躬缺者何須補、最難得飽煖平安、最易變風雲龍虎、一墮人間便覺非、切莫苦中更尋苦、

學佛

光陰無多、精神不少、常存佛心、日出天曉、高山長河、纖蟲細草、普照衆生、佛光非小、願分佛光、積善爲寶、慈悲非空、私欲先掃、明月飛來、蓮花開了、力除貪嗔、不生煩惱、天與長年、渾忘其老、

急善免劫歌

方今大劫在當前、片時生死說不定、說甚錢少與錢多、逃得性命是萬幸、多行好事存好心、神光自然能照應、一念之善可格天、雖有萬金難買命、除却爲善無二方、抱定善心向前進、莫去問人莫問天、常把自家良心問、

彈詞

古今私欲亂紛紛、誤盡紅飛十丈塵、日月自明雙眼暗、乾坤兩大一迷津、雲霞花鳥閒中去、離合悲歡夢裏尋、點點污泥蚯蚓結、紛紛落葉虎龍爭、還從故我求真我、轉眼今人又古人、淡寫閒情雲在戶、飛出書聲花滿林、聖賢仙佛何嘗遠、方寸心田萬古春、

作善文

胸如古月千秋在、氣似春雲二月天、寫出善言從肺腑、心光漸覺老來圓、
燒淫書

硯池淺水罪彌天、寒血千家最可憐、我願燒書羸政出、誨淫文字化飛烟、
不倒翁

兒童戲劇作法最輕而空

壽星高揭在天南、立向人間怒氣含、却怪兒童多惡劇、以儒爲戲老何堪、

立德從知作聖工、不偏不倚自存中、一時豪傑都推倒、留得人間不倒翁、
功夫堅定道能成、卓爾居然立不傾、東倒西傾人自苦、老夫自愛一身輕、

即景

繞屋扶疏綠有情、紛紛蝸角笑人爭、日長高臥松陰下、落盡殘花夢不驚、

娛園隨筆

以吾心之眞光、迎天地之清氣、自覺風月有情、花鳥皆喜、人生不過衣食耳、
又何必沉迷俗念、磨滅清光、

言治

聖賢英雄同作用、不外開誠而布公、天地生人有知覺、問誰能受其欺蒙、一
個恕字天下行、己所不欲勿施人、一個私字果然去、利己利人天下治、縱將
私欲利害忘、到頭兩面俱損傷、古今得失分明在、其奈當前總若狂、

護生報載西湖作永久放生池喜而有作

從此纖鱗脫網羅、梵音環繞雜清歌、雷轟塔影斜陽外、無數魚蝦拜佛陀、
波光搖曳柳含烟、春到西湖別有天、巨口細鱗齊照見、三潭印月佛光圓、
涵育天機日月長、差參荇菜水流香、好生心事春光暖、我似楊花喜更狂、
涵天蓋地佛心同、雲影波光慧照中、靜夜游魚瞻化斗、山頭飛到一聲鐘、
花港觀魚快若何、吹來一片好風多、枝枝楊柳明甘露、山色湖光是普陀、
畫舫人來盪槳聲、西湖如鑑水波平、物情人意同歡洽、月裏龜魚自在行、
春風吹處水雲香、寶月空明在上方、從此湖中生意滿、扁舟來往盡慈航、
仁意纏綿萬柳絲、西湖竟作放生池、白蘇千載償初願、靈爽飛來樂可知、
漫把西湖比西子、飛來龍女笑西施、沼吳終是無情水、不及湖邊物類滋、
未許漁人動却灰、佛雲春暖碧天開、湖心亭上經聲好、潛聽魚兒結隊來、

戒開放

人心欺詐到萬分、處處網羅橫路上、一入其中最可憐、婦女如何可開放、羅網開時深復深、放入其中力難抗、從來婦道立綱常、乾坤并重斯爲上、要保名節先保身、如何可將廉恥喪、男子戀愛豈是真、歡喜一時盡狂妄、趁你婦女說文明、大家隨心同放蕩、浪子貪花無好心、不久厭煩掉頭向、三十以後色更衰、殘香賸粉誰依傍、笑時都說酒更香、哭時纔知燈不亮、甜言密語聖賢心、變態橫聲鬼魔像、離婚結婚又離婚、自家是個甚麼樣、娼妓一旁笑未休、墮落深時同慘狀、今朝將你棄泥中、昔時將你置掌上、作人玩物死含羞、枉死城中回頭望、可憐血痕紙上多、古今一本風流賬、殺機滿地使人愁、豺虎橫行難阻擋、明知有虎虎中行、婦女如何可開放、

奇妝異服之爲害

奇妝異服亂天下、使我傷心不忍聞、天道反常妖災起、人道反常家國傾、鄉間婦女隨流轉、詩禮人家變態生、舊日家風都變盡、先靈暗裏也吞聲、以我一身輕薄樣、引起他人玩弄情、偏使市人多注目、試問此心是何心、聲音笑貌不堪說、只恐因奢奢近淫、旁人寒心他得意、百般俗態說文明、衣裳過處妖風動、青天白日鬼怪行、西施落在污泥內、有時對鏡還自驚、如此輕狂是何病、如此昏亂是何人、父母生我本正大、何苦自家輕其身、一代女宗知我重、一錢不值被人輕、不知市上千人指、猶說衣裳五色新、端正聰明作模範、古今賢婦人格尊、人人都說天生就、此中風雅自然成、請看古來圖畫內、那有奇妝艷服人、

詠邵康節先生

方寸乾坤自覺寬、先生杖履足盤桓、不知定數難爭取、安樂窩中未必安、

0
172334

